

REGIONAL NEWS BULLETIN

Date – 17/06/2025

Time - 18:30 Hrs

HEADLINES (EVENING)

1. District tin atanga Best Horticulture Farmer thlannaah District ti tha berah Champhai leh Saitual District thlan an ni.
2. Mizoram Merchant Assn leh Sihhmui VC te, YMA te, MHIP te leh MUP ten rel lo lut tur thlirin, hmalakna tur hrang hrang resolution siamin an pass.
3. Prime Minister Narendra Modia chuan Canada-a Kananaskis-a G7 Summit ah a tel dawn.
4. Israel leh Iran inkar buaina avanga Asia khawthlang lam boruak tha lo inmun chho mek karah G-7 ram hruaitute chuan remna leh muanna awm theihna tura theihtawp chhuah an tum thu an sawi nawn.

<><><>

HORTI AWARD

Horticulture Fair pualin District tin atanga Best Horticulture Farmer thlanchhuah te hnenah lawmman hlan a ni a, kumin atana District ti tha berah Champhai leh Saitual District thlan an ni.

District tin atanga Best Horticulture Farmer hi kum tin thlan chhuah thin a ni a, Horticulture tangkai taka hmang leh hmasawwna nei thate thlan thin an ni a. Lawmman dawngtute hnenah hian chawimawina thuziak leh sum fai pek a nih bakah, Selco Foundation chuan Solar Sprayer a pe theuh a, state dangah an hmalakna hrang hrang a tlawh kual pui bawh dawn a ni.

Kumin atang hian District hrang hranga Horticulture Department a thawkten inelna thianghlim an neih theih nan Best Performing Horticulture District Award siam thar a ni a. He lawmman hi Champhai leh Saitual District chuan an dawng a ni.

Best Performing Horticulture District Award thlang tur hian Directorate-ah Technical Selection Committee mumal tak siam niin tehfung hrang hrang hmangin uluk taka thlan chhuah a ni a. Best Performing Horticulture District lawmman atan cheng sing thum leh citation hlan a ni a. Selco Foundation chuan leitha leh thlai rannung leh natna venna kahna turin a mamawhte hman theih turin hmanraw tha an tum sak bawh a ni.

<><><>

HORTI FAIR 2025

Horticulture Fair 2025 chu vawiin khan Aijal Club Park-ah Horticulture Minister Pu C. Lalsawivunga'n a hawng.

Horticulture Minister Pu C. Lalsawivunga chuan Horticulture Fair chu thlai chingtute leh a zuar thinte tan "Buyers & Sellers Meet" lian tak a nih chhoh mek avangin tun aia nasa zawka tan la a, midangte tihhmuhtu ni turin a chah a. Horticulture Fair kaltlanga hmasawwna hmuh theih atangIn hmasawn zel dan turah rilru seng a, enge an siamchhuah ve theih tih te ngaihtuah turin a chah a. Horti Fair chu nakum Fur ruahtui tla in harsatna a siam hma May thla tawp lamah buatsaih ni se Zokhaw lam atang pawhin tel an tam theih a beisei tih a sawi a. Kalkhawm an thiltih hlawhtlinpui tuma theihtawp chhuah turin a fuih a ni.

Kumin hi Horticulture Fair a stall phochhuah tam ber tum a ni a, Pangpar dawr - 128, Thei tiak zawrhna - 60, Leitha leh thlai chinna hmanrua zawrhna - 11, Pot zawrhna- 6 awmin a vaiin dawr 205 pho chhuah a ni.

Horticulture Department chuan Mizoram a thei leh thlai chi hrang hrang chingtute, pangpar chingtute leh a zuar thinte, thei leh thlai atanga ei tur vawn that theih siam lama tui mite pualin kum 2012 atang khan kum tin fur ruahtui tlak tan hun, thei leh thai chi hrang hrang phun hun mil ber turin May thla tawpah emaw, June thla tirah Horticulture Fair chu Mizoram khawpui ber Aizawlah a lo buatsaih thin a. Kum 2020

leh 2021-ah erawh chuan Covid-19 hri leng vangin buatsaih a ni lo thung a. Kum 2012 atanga 2024 thlenga stall neituten an hralh chuah tawh zat chu Cheng nuai 346, sing 3, 607 a ni.

<><><>

INTNL DAY OF YOGA

Tun thla, June ni 21-a International Day of Yoga, IDY lo thleng tur atan Mizoram a inbuatsaih mek a, Hari Yoga pualin hmun hrang hrangah thingphun a ni a, Yoga Sangam pualin RG Stadium, Mualpuiah hun hman a ni dawn bawk a ni.

Akashvani Aizawl zawhna chhangin, National Ayush Mission PMU Consultant Dr H Malsawmtluangichuan IDY pual hian Mizoram chuan Hari Yoga leh Yoga Sangam an kalpui a, Hari Yoga hnuaiiah hian thingphun kalpui niin, Directorate of AYUSH-in Keifang a khum 10 awm theihna tur damdawi in an sak mekah thing 85 vel an phun a, Thenzawla Integrated Ayush Hospital-ah thing 50 phun a ni a, naktukah AYUSH hnuaiia establishment hrang hrangin thing an phun dawn bawk a ni. June ni 21-ah International Day of Yoga puala hun hmanna pui ber, Yoga Sangam chu RG Stadium, Mualpuiah a hman a ni dawn bawk tih a sawi a ni.

Dr H Malsawmtluangi chuan District Hospital tina AYUSH Department-ah Yoga instructor an awm vek a, Doctor ten dam lo zingah an natna atana Yoga practice tura an hrih an awm thin avangin kumtin Mizoramah Yoga practice mi sing 1 chuang an awm thin niin a sawi a ni.

<><><>

C. NGUNLIANCHUNGA

Lawngtlai West bialtu MLA Pu C. Ngunlianchunga chu vawiin khan Special Judge (Prevention of Corruption) hmaa a inlan hnuah Bail a dilna pawmsak a ni.

Congress MLA Pu C. Ngunlianchunga hi vawiin khan Special Judge (Prevention of Corruption) Pu F. Rohlupaia hmaah a inlan a, Court chuan MLA hi Bail a dilna pawmsakin July ni 22 ah inlan leh turin a ti a ni.

Thudawn danin Lawngtlai West bialtu MLA Pu C. Ngunlianchunga hi man a nilo a, Court in man ngaihna a hmuhloh avangin bail hi phalsak niin bail a phalsak chhanah tlanbo hlauhawm anihloh avang leh hriselna lamah harsatna a neih avangin phalsak a ni a, thla leh July ni 22-a inlan leh tura tih a ni.

Pu C. Ngunlianchunga hi Anti Corruption Bureau in LADC CEM anih laia Lawngtlai by-pass road chungchanga NLCPR atanga sum an hmuh chungchangah pawisa chingpen avangin thubuai a neih thu an sawi a, Pu C. Ngunlianchunga chuan kumin March thlaa Assembly thutkhawmah Chief Minister Pu Lalduhoma'n a sawichhuah hnuah a hre chiah tih sawiin Lawngtlai bypass road siamna atan a CEM laiin kum 2013 ah cheng vbch 4 sing 7 a rawn chhuak tih sawiin kum 2014 January thlaah Minister anih tak avangin CEM atangin a bang a, a hre zui tawhlo tih sawiin sum thianghlimlo cheng khat mah a lak loh thu alo sawi tawh a ni.

<><><>

MIMA

Mizoram Merchant Assn leh Sihhmui VC te, YMA te, MHIP te leh MUP ten rel lo lut tur thlirin, hmalakna tur hrang hrang resolution siamin an pass. Vawiin khan heng pawl hrang hrangte hian Sihhmui VCP Inah Joint meeting neih a ni a. Hetah hian tun maia Sairang Rel station, Sihhmuia rel lo lut mai tur chu engtianga lo dawnawn chi nge ni ang tih sawihoin, Mizo hnam himna kawngte an sawiho a. Sihhmui VC leh all NGO te hma lo lak tawh dan te ngaihthlak a niin an hmalakna leh lo inpuahchah tawh dan report te ngaihthlak a ni a. An hma lo lak tawhna bawhzuina ni pahfawmin Joint meeting chuan resolution an siam a, an resolution ah chuan ILP check point/gate Bairabi a awm hi changtlung zawk, felfai leh khauh taka enkawl ni se. Sairang Sihhmui Rail Stationah pawh hian ILP check point siam a, fel fai leh khauh taka enkawl ni rawh se an ti a,

In hmun lo ram, hnamdang hnenah hralh loh ni se, Sihhmui ram chhunga hmun hran atanga ram nei te pawhin hnamdang hnenah hralh loh ni se an tih bakah Mizo hming hawha hnamdang sumdawng/dawrkai awm phal loh ni rawh se an ti bawk a, Mutria ten rate mumal leh fel zawka hna an thawh theih nan sorkarah hma lak ni rawh se, an ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan Canada-a Kananaskis-a G7 Summit ah a tel dawn.Tukin khan PM Modia hian Calgary a thleng a. Airport ah ropui taka lo hmuh a ni.

G-7 Summit ah hian hun lo kal tura energy khawl dan turte, technology, hmasawnna ruhrel leh sum peipunna lam te sawiho a ni dawn a. Khawvel inthlak danglam chho mekah mitin ban phak hmasawnna thlen te a tel a. Pu Modia chuan G-7 hruaitute nen tunlai thil pawimawh hrang hrang an sawiho dawn a. He bakah hian Canada Prime Minister Mark Carney nen an inkawm dawn a ni.India leh Canada te hian inkungkaihna tha tak an nei a. tunah hian ram pahnih insumdawntawnna hi dollar tluklehdingawn 8.6 hu a ni.

<><><>

ISRAEL-IRAN.

Israel leh Iran inkar buaina avanga Asia khawthlang lam boruak tha lo inmun chho mek karah G-7 ram hruaitute chuan remna leh muanna awm theihna tura theihtawp chhuah an tum thu an sawi nawn a. Middle East ah remna awm se an duh thu sawiin Israel chuan amah lo inveng turin chanvo a neih thu sawiin Israel himna tura thlawp chhunzawm an tum thu an sawi a ni.

Civil mite himna pawimawh zia sawiinG7 hruaittute chuan Iran chu remna ti derthawngtu ber leh an chhehvela pawikhawihtu ber anih thu an sawi a. Iran-in Nuclear ralthuam a neih an remti ngai dawn lo tih an sawi bawk a ni.

<><><>

NDA @ 11 YEARS

Prime Minister Narendra Modia kaihhruai NDA sawrkar chuan kum11 liamta chhungin damlo inenkawlna kawngah mipuite tan a thawk tha hle a. Sawrkar laipui chuan mi rethei tan damlo inenkawlna tur Ayushman Bharat scheme a siam a, He scheme hi mi vaibelchhe 65 dawnin man tlawmin inenkawlna andawn phah a. Kum 70 leh a chunglam te an Ayushman Vay Vandana scheme siam bawkin damlo tana inenkawlna tha tak man tlawm zawka pek an ni a. Hei bakah hian Ayushman Bharat Digital Mission hmangin damlo enkawlna tihchangtlun a ni a. Ayushman Bharat Health Accounts (ABHAs) vaibelchhe 78 chuang siam niin mahni hriselna dinhmun a en theih a ni.PM-Ayushman Bharat Health Infrastructure Mission (PM-ABHIM) hnuaiah damdawiin te tihchangtlun niin hmanrua te pawh tunlai ber ber mila tuai thar an ni bawk.

<><><>